

2CH

Baaba Houwan

Buki 1 ge 2 Liwan, liwan hi gewi hi liwanil, iyoho al buki Samuwela ge Kin elal.

1 Liwan kin Deibid liwanina, ge Deibid wana nuwatu Yehoba wana limi bwabwalena kaiwena panuwa Yelusalema. Topowon ali logugui i pasapu bubun, ge nuwana gamagalau gegewel nihi tapwalolo bubun Yabowaine kaiwena.

2 Liwan Isileli wali kin ona liwaniliya. I liwanan Solomon wana totuwalali Yehoba wana limi bwabwalena hi tal Yelusalema. Sauga Solomon i aliga enaa, wana abalogugui hi wali i tabwa aba logugui labui. I liwan aba logugui labui ali kin ge wali tuwalali kaiwena.

Kin enuna hi waisi, Yehoba wana logugui hi toulil, yaa hi gewi hi nak, nige Yehoba wana logugui hi to-toulil. Hi kululu yabowaine gogoginol elal, he kin bolo ya gamagalau ali pulowan hi ginol inoke Yehoba i talam ali topihigelgel hi tuk abalogugui labui hi apapanakagil.

36

Babiloni Yelusalema Hi Pasamwalekalekan

¹⁴ I ola al Yuda wali tohouwa, topowon gegewel ge gamagalau Yehoba ana en hi pek. Inoke panuwa bwabwatal bolo hi minaa labeliyaa wali ginol nanakina hi toulil yaka Yehoba wana limi toto valila i pwabwabwalena Yelusalema hi papabikiyan. ¹⁵ Inoke iya Yehoba, tubuliyau wali Yabowaine wana palopitau ni papatunal ge wana logugui nihi baunanik elal kaiwena nuwana i nak wana gamagalau ge wana limi bwabwalena kaiweliya. ¹⁶ Yaa gamagalau towasa hi talawasiagil, Yehoba wana logugui

hi towani ge wana palopitau hi lamwatunatunagil ana siga wana huga i pamasal wana gamagalau elal, ge nige etega bosowaina ni pabakuhu.

¹⁷ Inoke Yehoba i ba Babiloni ana kin ni na ni haveyan elal. Tolohaven haveyan kilepana elana Yuda hevaliliyau hi gopaaligal ge enuna hi takel ana siga hi tuk limi bwabwalena gamwanaa. He nige heval, gamaina, totaumatuwa, o toliki etega i mwamwal. Kaiwena gegewel Yehoba i talamwagil Nebukanesa nimanaa. ¹⁸ Yaka Yehoba wana limi bwabwalena ana isela gold elana hi ginoliya, kekeisil o bwabwatal ge ana gogomwau, kin alonau wana totuwali alaliya bwabwatal wali limi ali gogomwau Nebukanesa i oel i ahel i na Babiloni. ¹⁹ Yaka abwe wana tolohaveyan limi bwabwalena hi ton ge panua Yelusalema ana gana hi pasamwalekalekan. I ola al kin wali limi hi tonil ge gogomwau buguliliyau molaliya bwabwatana hi apapanakagil.

²⁰ Yuda enuna nige hi lololil, kin wana tolohaveyan hi ahel hi na Babiloni hi telal dela ge abwe hi tabwa kin ge natunau bolau wali totuwaliyau ana siga panuwa Peisiya i tabwa abalogugui gasigasisena. ²¹ I masal i ola o, inoke Yehoba wana baaba i patunahot, toto palopita Aiseya i baunan i ba, “Inoke abwe bilibili ni yaliyaya lan veyaho-Sabwata elana, toto i veyaho ana siga baliman sebenti (70), i pwawa.

²² Sailusa i tabwa Peisiya ana kin, yaka wana sauga logugui ana baliman houwan elana Yehoba wana baaba palopita Yelemaiya i wasan i patunahot. Yehoba kin Sailusa atena i pihikan inoke logugui etega i leli ge i patuna wana abalogugui ana labi gegewena ge hi vasili analiya i bwata gamagalau gegewel hi hago.

²³ He Peisiya ana kin Sailusa wana baaba i ba ola hiwe; “Yehoba, iya labulabum ana Yabowaine abalogugui

gegewena panayawiya i pem elau. I hileyau wana limi bwabwalena na tal pasikal panuwa Yelusalema labi Yudiya. Ebo Yehoba wana gamagalau enuna iyahe gamwamiwa, he nu nok tuwalali ya kaiwena. Ya awanun Yehoba wam Yabowaine ni mina alom.

Bateli Vavaluna

The New Testament and portions of the Old Testament in the
Misima-Paneati Language of Papua New Guinea
Sampela hap Buk Baibel long tokples Misima-Paneati long Niugini
Copyright © 1947, 1997, 2011 The Bible Society of Papua New Guinea

© Faith Comes by Hearing

Language: Misima-Paneati

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 20 Jul 2017 from source files dated 20 Jul 2017

b7b2a6a3-f97e-548c-9f48-59673e55edc5